



Broj: 01-GV-02-1081/19  
Datum, 23.10.2019. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), na Tematskoj sjednici Gradskog vijeća Grada Sarajeva, održanoj 23.10.2019. godine, **gradski vijećnik Velija Katica, na prijedlog gradonačelnika Grada Sarajeva**, uputio je **inicijativu** sljedećeg sadržaja.

“Pozivam Gradsko vijeće Grada Sarajeva da zajednički najoštrije osudi odluku Švedske akademije da Nobelovu nagradu za književnost za 2019. godinu dodijeli Peteru Handkeu, te da uputimo protestno pismo Gradu Stockholmu i gradonačelnici Stockholma. Građani Sarajeva već danima su veoma uznemireni nakon objave Švedske akademije da dodijeli Nobelovu nagradu za književnost za 2019. godinu Peteru Handkeu. Handke je u više navrata pisao i govorio protiv istine negirajući genocid u Srebrenici u kojem je ubijeno više od 8 000 Bošnjaka. Za građane Sarajeva je tvrdio da su iscenirali jezivi masakr na pijaci Markale 05.02.1994. godine. Svi znamo da je u tom granatiranju ubijeno 68 i ranjeno 144 građana Sarajeva. Genocid u Srebrenici i opsada i terorisanje Sarajeva u kojem je ubijeno više od 11 500 građana Sarajeva, dokumentovale su i sankcionisane brojne presude Međunarodnog krivičnog suda za bivšu Jugoslaviju u Hagu. Te presude su smještene, igrom slučaja, ovdje u Sarajevskoj vijećnici. Grad Stockholm i Kraljevina Švedska su velikodušno prihvatile desetine hiljada izbjeglica iz Bosne i Hercegovine, među kojima je veliki broj žrtava progona iz Srebrenice, kao i onih koji su izbjegli iz opkoljenog Sarajeva. Oni su postali lojalni građani Stockholma, a mnogi od njih i državljani Švedske. Odluka Švedske akademije je brutalna uvreda i njima, ali i svima drugima slobodoljubivim građanima grada Stockholma. Švedska akademija je poslala neprihvatljivu poruku svima koji podržavaju bilo koji oblik ekstremizma. Pozivamo gradonačelnicu i Gradsko vijeće Stockholma da nam se pridruži u ovoj osudi. Stockholm je slobodouman i multikulturalan grad i prijatelj Grada Sarajeva, što se dokazalo više puta tokom opsade Sarajeva. Uvjereni smo da i ovaj put može i treba biti na strani istine i pravde.”

*Gradsko vijeće je podržalo podnesenu inicijativu, te je ona postala inicijativom Gradskog vijeća.*

***PREDSJEDAVALJUĆI GRADSKOG VIJEĆA***

*Dr. Igor Gavrić, s.r.*

- Dostaviti:
- Gradonačelniku
  - evidenciji
  - a/a